



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. Cui sit similis inuidus.

urn:nbn:de:hbz:466:1-29452

scunt, & de malis atque incommodis aliorum gaudent: vnde optat Seneca, inquiens: Utinam inuidi in omnibus ciuitatibus aures & oculos haberent, ut de singulorum prosperitatibus ac honoribus torqueretur &c. Contra hoc vitium Christus & tota scriptura ubique inculcat charitatem proximi, quae charitas est quasi vita spiritualis, qua coram Deo viuimus. tertio. Nos scimus quia translati sumus de morte ad vitam, si diligimus fratres. Qui non diligit, adhuc est in morte, id est, nondum venit ad vitam, qua in sa- uore & gratia Dei viuimus: nam in illo est efficax vi- ta æterna, quam Christus nobis meruit, & amplius predicit de dilectione contra odium, inquiens: O- mnis inuidus animam suam occidit per odium, eo quod manebit in æterna morte. Ideo dicit Aposto- lus, Et scitis quoniam omnis homicida non habet vitam æternam in se manentem. Tertio prædicat Euangelista contra inuidiam, 1. Ioannis 4. inquiens: Si quis dicit quoniam diligo Deum & fratrem suum odit, mendax est. Qui enim non diligit fratrem suum quem videt, Deum quem non videt, quomodo potest diligere? & hoc mandatum habemus a Deo, ut qui diligit Deum, diligat & fratrem suum: hæc omnia Apo- stolus contra odium & inuidiam.

Secundò, similis est inuidia in homine vermi in li- gno, rubigini in ferro, & tincè in vestimento. nam ista sicut rodunt proprium subiectum, & consumunt il- lud priusquam alia: ita inuidia rodit ipsum inuidum, & plus inuidus nocet sibiipsi, quam alijs. Proverb. 14. Vita carnis, sanitas cordis: putredo ossium, inui- dia. Habet quoque inuidia triplex signum: pallescit enim facies, quando intueritur quem odit: deinde o- culos deprimit, nec audet illum in faciem adipicere: Tertio, dentes ex compressione sèpè strident, & mem- bra exteriora frigescunt. Sic ad prædicationem S. Stephani Iudei dissecabantur cordibus suis, & stri- debant

debant dentibus in eum. His ergò signis cognoscitur inuidia, quam gentilis poeta pulchrè describit, cùm inquit:

*Liuor tabificum malis venenum,
Intactis vorat ossibus medullas,
Et totum bibit artibus cruentem:
Vt debet sibi pœna semper ipse est.
Testatur gemitu graues dolores:
Susppirat, gemit, incutitq; dentes,
Pallor terribilis genas colorat,
Infælix macies renudat ossa, &c.*

Christus autem dicit Ioan. 13. In hoc cognoscent homines quia mei estis discipuli, si dilectionem habueritis ad inuicem. Tristitia igitur alienæ fœlicitatis, & gaudium de alieno periculo, intelligitur de bonis & pijs hominibus, quandò dolent de impiorum exaltatione: fortuna enim quod dignis adimit, transfert ad impios, & hanc tristitiam nō condemnat scriptura, i. Machab. 2. Matathias fuit plurimum contristatus de prosperitate & exaltatione Regis Antiochi, & Psal. 57. Lætabitur iustus cùm viderit vindictam impiorum, & Psalm. 106. Videbunt recti, & lætabuntur, & omnis iniquitas oppilabit os suum. Sic sæpè gauisi sunt Christiani sine amissione charitatis de morte Tyrannorū, quia talis interitus erat augmentatio fidei atque religionis, & ne tot scandala fierent per malos & crudeles tyrannos, quemadmodùm tradidit tripartita histor. temporibus Arrij contigisse.

Tertiò, grauissima damna inuidiæ recenset scriptura, ideo maximè fugienda: Primò, inuidus non est Dei filius, nec cognoscit Deum, neq; in Deo manet: & qui Deum non habet, nec cognoscit, quem alium habet, nisi Sathanam? Hoc probatur i. Ioan. quarto.

NN Qui